

VENDIM
Nr.186, datë 9.3.2011

PËR EKZEKUTIMIN E VENDIMIT TË GJYKATËS EUROPIANE PËR TË DREJTAT E NJERIUT, DATË 22.11.2010, PËR ÇËSHTJEN NR.609/07 “PUTO E TË TJERË KUNDËR SHQIPËRISË”

Në mbështetje të nenit 100 të Kushtetutës, të nenit 46 të Konventës europiane për mbrojtjen e të drejtave të njeriut dhe lirive themelore, ratifikuar me ligjin nr.8137, datë 31.7.1996 “Për ratifikimin e Konventës europiane për mbrojtjen e të drejtave të njeriut dhe lirive themelore”, të neneve 5 e 45 të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë” dhe të nenit 13 të ligjit nr.10 355, datë 2.12.2010 “Për buxhetin e vitit 2011”, me propozimin e Ministrit të Drejtësisë, Këshilli i Ministrave

VENDOSI:

1. Ekzekutimin e vendimit të Gjykatës Europiane për të Drejtat e Njeriut, datë 22.11.2010, për çështjen nr.609/07 “Puto e të tjerë kundër Shqipërisë”, në shumën 65 000 euro (gashtëdhjetë e pesë mijë) euro, plus çdo lloj tatimi që mund të jetë i zbatueshëm, si shpërblim financiar dhe jofinanciar, si dhe 2 000 (dy mijë) euro, plus çdo lloj tatimi që mund të jetë i zbatueshëm ndaj ankuesve, në lidhje me kostot dhe shpenzimet.

2. Autoriteti përgjegjës për ekzekutimin e këtij vendimi është Ministria e Financave.

3. Afati përfundimtar për kryerjen e ekzekutimit është data 14.3.2011.

4. Efekti financiar, i parashikuar në pikën 1 të këtij vendimi, të përballohet nga fondi rezervë i Buxhetit të Shtetit.

5. Shuma e përcaktuar si detyrim në pikën 1 të këtij vendimi, të depozitohet në një nga bankat e nivelit të dytë, në emër të ankuesve, z.Refat Puto, znj.Violeta Puto, znj.Saime Puto, z.Pandi Allabashi, znj.Ermira Allabashi dhe znj.Roza Allabashi, dhe të konvertohet në lekë me kursin e këmbimit të bankës, ku është depozituar shuma, në datën e kryerjes së pagesës.

6. Pagimi i shumës së depozituar, sipas pikës 5 të këtij vendimi, në favor të ankuesve, z.Refat Puto, znj.Violeta Puto, znj.Saime Puto, z.Pandi Allabashi, znj.Ermira Allabashi dhe znj.Roza Allabashi, të bëhet nga Ministria e Financave, pas paraqitjes së të gjithë dokumentacionit ligjor të nevojshëm për kryerjen e pagesave nga Buxheti i Shtetit.

7. Ngarkohen Ministria e Drejtësisë dhe Ministria e Financave për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha